



UNIVERSITÄTS-
BIBLIOTHEK
PADERBORN

**De Ortv Et Progressv Ac Viris Illvstribvs Ordinis
Gloriosissimæ Dei Genitricis, semper Virginis Mariæ de
monte Carmelo**

Trithemius, Johannes

Coloniae Agrippinae, 1643

Auctores Exteri.

[urn:nbn:de:hbz:466:1-64495](https://nbn-resolving.org/urn:nbn:de:hbz:466:1-64495)

Walterus de Terra noua Normannus, scripsit vitam B. P. Ioannis Soreth Prioris Generalis Carmelitarum. Florebat an. 1461.

AVTHORES EXTERI.

Abraham Bzouius Dominicanus, in suis Annalibus multoties agit de Carmelit. Ord. eiusq; sectatoribus.

Ægidius Camartus Ordinis Minimorum Generalis, edidit egregium opus, inscriptum, *Elias Thesbites, siue, de Rebus Elie propheta Carmelitana Religionis Patriarcha*; in quo de ipsius ELIÆ origine, persona, nomine, patria, officio, Religione & alijs, pleraque scitu digna eruuntur, disputantur, constituuntur.

Andreas Duualius Sac. Theol. Professor Regius & Decanus Sorbonicus, scripsit vitam Ven. MARIÆ ab incarnatione Carmelitana Excalceat. libr. III. quorum primus continet vitæ historiam. Secundus heroicæ illius virtutes. Tertius miracula & apparitiones post mortem. Excusus est hic liber pluries in diuersis Prouincijs. Item compendio scripsit præclaram vitam, raras virtutes, & scælices obitus aliarum quinque sanctimonialium eiusdem Ord. Carm. Discalc. videl. Sor. ANGELICÆ à SS. Trinitate, Sor. ANNÆ à Iesu, Diuionensis, S. GENOUERÆ à S. Dionysio, S. MARIÆ à SS. Trinitate, & S. MARIÆ à Misericordia.

Angelus Manrique Generalis Ord. S. Bernardi Sac. Theolog. Professor & Cathedraicus vespertinus in vniuersitate Salmanticensi, edidit vitam Ven. M. ANNÆ à IESV Metinensis S. Theresia Sociæ, & in propagatione sui Ordinis Coadiutricis, Bruxellensis cœnobij Priorissæ, admirabili prudentia & sanctitate celebris. Prodiit hoc opus in octo libros diuisum, idioma Hispanico & Gallico Bruxellis.

Antonius Possuinus Societatis IESV, in suo

Apparatu sacro quamplurimos refert Ord. Carmel. illustres Scriptores.

Chrysofomus Enriquez historiographus generalis Ord. S. Bernardi conscripfit lib. IV. vitam Ven. M. ANNÆ à S. Bartholomao, S. M. THERESIÆ Comitissæ indiuiduæ, Antuerpiensis Monasterij Priorissæ, ac ultra centum miraculis ab Ordinarijs approbatis claræ. Inter cætera urbem Antwerp. & eiusdem arcem, sua intercessione ab hostibus liberavit. In eius etiam brachijs expiravit S. M. THERESIA, quæ de ea dicere solebat: *ego fumam, sed ANNA opera habet sanctitatis.*

Carolus Fernandus Benedictinus, Orator, Poeta, Philosophus atque Theologus præstantiss. scripsit præter alia permulta, *Laudes Ordinis Carmelitarum*, lib. I. Floruit an. 1490.

Carolus Tapiam video ab alijs citari.

Dominicus Graulina Ord. Prædicat. in voce *Turturis* & alijs suis operibus plurimum commendat Ord. Carmel.

Didacus Iepesius Episcopus Turiasonensis, Philippo II. Hispaniarum Regi à S. Confessionibus, edidit ingens de *vita, gestis, sanctimonialia, virtutibus & miraculis Seraphicæ Virg. & Matris THERESIÆ, Carmeli Restauratricis*, volumen, in quatuor libros diuisum; in quo luculenter agit de Ordinis Carmel. Reformatione & fundatis à S. M. THERESIA monasterijs. Idem præstitit Doctissimus Pater *Franciscus de Ribera* Societ. IESV, lib. V. de his editis.

Erardus Carthusianus in suo *Fasciculo temporum* multa tradit de Ordine Carmelitarum & Sanctis eius.

Franciscus Suarez Societ. IESV, eximius Theologus, Tom. 4. de Religione lib. 2. de varietate Religionum in specie, cap. 2. agit de Sacro Carmelit. Ord. eiusq; origine & institutore; inter alia autem hæc habet: *Est autem valde recepta & satis antiqua*

traditio, Religionem Carmelitarum, à temporibus Prophetarum & signatim ab Eliæ institutione suam ducere originem & quasi hæreditariam successionem in monte Carmelo, à quo nomen etiam accepit; quam traditionem ut veram suscipimus, &c.

Gasspar Sanchez Societ. IESV, de eodem sacro Ordine egregiè differit in doctissimis suis Commentarijs editis in 4. lib. Reg. cuius nonnulla verbalubethic adducere. Hinc (è Carmelo) ortum habuerunt antiquum & nobilem, qui nostro ævo Carmelita dicuntur, viri Religionis gloria & sanctitate conspicui. Quod ut credam, facit non solum illius Ordinis, sed & omnium penè gentium constans & perpetua traditio, &c. Sed præter traditionem, sunt alia multa, quæ ad hanc cogitationem plurimum adferunt momenti, Doctorum nimirum, non tantum ex illa religiosa Familia, quorum numerus ingens, sed & externorum, quos longum esset enumerare, grauis auctoritas; & tam veteres, quam recentes Historia & Ordinis antiqua monumenta. Accedit ad hæc Summorum Pontif. iudicij grauissimum pondus, qui sacrum hunc Ordinem ab Eliæ disciplina atq; instituto exordium habuisse testantur, &c.

Gilbertus Genebrardus, Ord. S. Benedicti monachus & Aquensis Archiepiscopus, ab alijs adduci solet.

Guilielmus Eisengrenius Germanus, in sua Ecclesiast. Historia scribens contra Centuriatores Magdeburg. Centenario primo, distinct. & titul. de Religionibus & monastica vita cultoribus, specialiter agit de monachis Carmelitis tempore Prophetarum; & ibi inter alia tradit, S. Eliam prophetam primum fuisse Carmelitam. Item S. Elisaum fuisse Carmelitam, principemq; Eliadum, id est, Carmelitarum. Et postquam aliqua attulit testimonia, ad probandum, ordinem Carmelitarum, tempore Prophetarum floruisse, infert contra Centuriatores: En quam antiquus sit Ordo B. MARIÆ Virginis.

Itemq;

Itemq; in alio suo opere, quod inscripsit, *Catalogus testium veritatis*.

Jacobus Philippus Bergomensis, Augustinianus, ab alijs citari solet.

Jacobus de Plebe Ord. Seruorum, edidit *Catalogum illustrium Scriptorum Ordinis Carmelit.*

Jacobus Salianus Soc. IESV, luculenter descripsit in suis *Annal. Ecclesiast. veteris Testam. Tom. iv.* vitam & res præclare gestas S. ELIÆ Prophetæ facti Carmelit. Ordinis institutoris: item S. *Elisæi* eius discipuli, aliorumq; Prophetarum Ordinis huius sectatorum.

Ioannem Baleum Anglum, hæreticum, liceat hic nominare; nimirum ut à scriptis eius venenatis quisque sibi caueat. Edidit is *Catalogum scriptorum Britannia*, ex quo plurima de Carmelitis, per eruditum quempiam, cum facultate Superiorum, possent desumi.

Ioannes Castellensis Germanus, Ord. S. Benedicti, scripsit, ut autor est Antonius Possevinus, Carmelitanae Religionis historiam. Viuebat anno 1400.

Ioannes Fauentinus Franciscanorum, (ut vocant) Guardianus olim Parchiensis, in Insula Cypro, scripsit vitam S. *Petri Thoma*, Patriarchæ Constantinopolitani Carmelitæ. Claruit an. 1370.

Ioannes Molanus Sac. Theol. Professor Regius Louanij, in suis additionibus ad *Vsuardi Martyrologium* complures refert Sanctos Ord. Carmel.

Ioannes Pitseus Anglus, in suo opere quod edidit de *Illustribus Anglia Scriptoribus*, Tom. 1. copiosum numerum adducit Scriptorum Ord. Carmelit. quorum vitam & laudes breuiter recenset. Idem ante illum fecerat *Doctiss. Lelandus*, in suo *Catalogo* scriptorum Britannia. Conscripsit etiam Pitseus *Catalogum Archiepiscoporum & Episcoporum Britannia*; item *Catalogum de Apostolicis viris Anglicana nationis*: in quibus complures enumerat Carmelitas.

Ioan-

Ioannes Trithemius, Abbas Spanheimensis in Germania, Ord. S. Benedicti, scripsit *de Ortu & progressu, siue, de laudibus, & viris illustribus Ordinis Carmelitarum* lib. II. Item *Apologiam* pro eodem, & de miraculis in viticeto iuxta Heilbronnam ad inuocationem Beatiss. Virg. MARIÆ factis lib. III. in quibus permulta habet de antiquitate, Approbatione, Indulgentijs atque alijs rebus Ord. Carmel.

Iodocus Badius Ascensius, Gandensis, præter valde multa, quæ edidit, spectantia ad Historicos, & alia studia litterarum humaniorum, scripsit *Commentarios in opera Bapristæ Mantuani*, in quibus pluries agit de sacro Carmel. Ord. Viuebat an. 1495.

Iodocus Clichtoueus Neoportuensis, edidit sermonem de excellentia & laudibus Ord. Carmel.

Joseph Antiochenus, vetustissimus Auctor, scripsit librum prænotatum, *Speculum perfectæ militiæ primitiuæ Ecclesiæ*. In quo multoties de hoc Ordine tractat; atque inter alia docet Carmelitas Coadiutores fuisse *Apostolorum* in disseminanda fide Christi &c. vixit iuxta Possuinum an. 130.

Laurentius Beyerlinck, in magno Theatro vitæ humanæ lib. XVI. conscripsit *Elogium Ordinis Carmelitarum*; in quo hic Ordo commendatur ab antiquitate & Fundatoribus, à patrocinio B. MARIÆ Virg. & appellatione, à propagatione & dilatatione, à dignitate & sanctitate cultorum. &c.

Leander Granatensis Benedictinus, Præses Collegij S. *Vincentij* Salmanticæ, multa præclare scripsit de Ordine Carmelitarum & Sanctis illius.

Michaël Baptista de la Nuxa Cæsarangustanus, edidit *vitam Vener. M. Elisabethæ à S. Dominico* Ord. Carmelit. *Discalceat.* lib. IV. in quibus extimas, multarum filiarum tantæ spiritualis Matris virtutes prosequitur, cum initijs & progressibus Cœnobij illius, cui ipsa præfuit.

Nicolaus Harpsfeldius Archidiaconus Cantuariensis,

238 ORD. CARMEL. ORIGO ET INCREMENTA.
riensis, in sua *Historia Ecclesiast. Anglicana* quam plurimos adducit Carmelitas, qui sua pietate & doctrina, & suis etiam libris Orbem vniuersum, maxime vero Angliam illustrarunt.

Paulus Morigia Ord. Iesuatorum, Historiam yberem, de omnibus Religiosis ordinibus texuit atq; edidit, in cuius libro primo agit de institutione & origine Carmelit. & pluribus innixus authoritatibus, ostendit *S. Eliam* eorum fuisse Authorem.

Petrus Berullius Cardinalis S. R. E. edidit Parisijs vitam *Vener. Catharina à Iesu* Burdegalensis, Ord. Carmel. Discalceat. illius etiam meminit *Hilarton Costaus* in *Elogio S. Terefia*, & *Martyrologium Gallicanum Sausslegij*.

Philippus Abbas Hierapolitanus, in suis scriptis, multis encomijs celebrat sac. Carmelit. Ordinem præcipuè in *Commentarijs Euangelij S. Ioannis*.

Philippus Macerius, Siculus, Regni autem Cypri summus Cancellarius, scripsit vitam *S. Petri Thomæ Carmelita*, *Patriarchæ Constantinopolitani*, lib. II. Viuebat an. 1370.

Raphael Volaterranus, Etruscus, non pauca scripsit de hoc Ordine.

Richardus Armachani Archiepisc. & Hiberniæ Primatis extat præclarum de Carmel. Ordine Elogium.

Sigebertus Gemblacensis, Monachus Ord. S. Bened. solet ab alijs citari.

Vincentius Puccinius Italus, edidit an. 1609. vitam *B. Mariæ Magdalena de Pazzis Florentina*, Ord. Carmelit. in sex partes diuisam; quarum duæ primæ continent vitæ eius historiam, Reliquæ sublimæ & cœlestes doctrinas, quas Deus in ecclasi illi communicare solebat, &c. Sunt & alij permulti, qui de Rebus antiquissimæ & celeberrimæ Carmelit. Religionis scripserunt, quos consultò breuitatis gratia transeo.

(***)